

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ՝ <<ՆԱՐԵԿԱՑԻ-ՄԵԾԱՐԵՆՑ ԳՐԱԿԱՆ ԱՌՆՉՈՒԹՅՈՒՆՆԵՐԸ>>

ԿԱՏԱՐՈՂ՝ ԼՈՒՍԻՆԵ ԿՈԼՈՂՅԱՅԻ ՀԱՐՈՒԹՅՈՒՆՅԱՆ

ԴՊՐՈՑ՝ Լ.ՄԻՐԻՉԱՆՅԱՆԻ ԱՆՎԱՆ Հ.155 ՀԻՄՆԱԿԱՆ ԴՊՐՈՑ /ՊՈԱԿ

ԱՌԱՐԿԱ՝ ՀԱՅՈՑ ԼԵԶՈՒ ԵՎ ԳՐԱԿԱՆՈՒԹՅՈՒՆ

ԿԱԶՄԱԿԵՐՊՈՒԹՅՈՒՆ՝ ԼԵՈՅԻ ԱՆՎԱՆ Հ.65 ԱՎԱԳ ԴՊՐՈՑ /ՊՈԱԿ

ԽՄԲԻ ՊԱՏԱՍԽԱՆԱՏՈՒ՝ ԱՆԱՀԻՏ ԶՈՅՐԱԲՅԱՆ

Չետագոտության խնդիրները - Չետագոտության նպատակով պայմանավորված՝ առաջ են գալիս հետևյալ խնդիրները՝

1/ուսումնասիրել Մ.Մեծարենցի պոեզիան, դրա վերաբերյալ եղած քիչ թե շատ ուսումնասիրությունները

2/վերհանել բանաստեղծություններում Մ.Մեծարենցի բարձրացրած հարցերը, խնդիրները

3/Նարեկացու՝ մինչմեծարենցյան մեկնաբանությունները

4/Մեծարենցը՝ նարեկացու մեկնաբան

Չետագոտության մեթոդները –Աշխատանքը կատարելու համար մեթոդաբանական հիմք են դարձել Մ.Մեծարենցի հեղվածների վերլուծությունը, առանձին բանաստեղծությունների համեմատությունը Նարեկացու ստեղծագործությունների հետ: Կիրառվել են վերլուծական, համադրական, համեմատական մեթոդները:

Չետագոտական աշխատանքի տեսական նշանակությունը–Աշխատանքում սկզբնաղբյուրներով հանդերձ՝ ներկայացված են Մ.Մեծարենցի՝ Նարեկացուն վերաբերող հասկացումներ, անանձնական գաղափարը ներկայացնող բանաստեղծությունները: Վեր է հանվել բանաստեղծություններում և հողվածներում՝ այսօր էլ արդիական հարցեր՝

1/«գրական ազգակցություն» մեթոդին միջին դպրոցում ծանոթանալը ունի մի քանի նպատակ

2/ծանոթանալ գրական երկի ուսումնասիրությանը ընդհանրապես, գրականությանը Մասնավորապես

3/համեմատել և համադրել բանաստեղծությունները՝ ձևավորելով քննադատական կարողունակությունը աշակերտների մոտ

4/ձևավորել վերլուծական-համադրական կարողունակություն

5/համադրման արդյունքում ձևավորել բազմաճյուղ աշխարհայացք

Աշխատանքի արդիականությունը –Աշխատանքում կփորձենք ներկայացնել որպես մի յուրօրինակ «խղճի խորան», որ գալիս է կանգնելու Աստծո առաջիդեն մարդկության պատգամավոր համարող Նարեկացու կողքին՝ որպես Նարեկացու պատգամավոր, համայն մարդկության առաջ: Աշխատանքում կփորձենք ներկայացնել Նարեկացու և Մեծարենցի անանձնական՝ բարձրագույն վիճակին հասնելու ճանապարհը:

Անանձնական երջանկության պարզաբանումը և դեպի այն գնալու ճանապարհի փնտրտուքը կպայմանավորեն աշխատանքի արդիականությունը:

Չետազոտության նպատակը – հետազոտության նպատակն է համեմատել Նարեկացու և Մեծարենցի ստեղծագործությունների գրական ազգակցությունը տարաբնույթ ժամանակների և իրադարձությունների զարգացումների համատեքստում: Անանձնական սիրո դրսևորման ձևերին, մասնավորապես բնապաշտական պոեզիայի ավանդույթների պահպանմանն ու փոխանցմանը:

ՆԱՐԵԿԱՑԻ-ՄԵԾԱՐԵՆՑ ԳՐԱԿԱՆ ԱՌՆՉՈՒԹՅՈՒՆՆԵՐԸ

Արդի գրականագիտության ուսումնասիրության կարևորագույն առարկաներից է նաև գրոցների միջև առկա գրական կապերի, գրական ցեղակցության լուսաբանման խնդիրը, որը ուսումնասիրողին մղում է դեպի նոր որոնումների, գրականության պատմությանն ուղղված վերլուծական ժամանակակից հայացքների ճանապարհը:

Որն է գրական այդ կապի ակունքը, որտեղ պետք է փնտրել գրական միևնույն դպրոցների, խաչմերուկների գոյացման սկզբնաղբյուրը...

Գիտական ճշգրիտ և ներդաշնակ վերլուծության համար, մեր համոզմամբ, նախ պետք է ուսումնասիրել, ճշգրտել տվյալ գրողի դերը գրականության պատմության մեջ, հասկանալ՝ ինչ նորություն է բերել համապատասխան հեղինակը, ինչ է վերցրել նախորդներից, և որ ամենակարևորն է՝ որն է նրա թողած հետագիծը գրական մայրուղում, գրական հետագա ինչ ձեռքբերումների նախասկիզբ է եղել: Ահա այդ հարցերի պատասխանները որոնելիս մեր աչքի առջև հառնում է Նարեկացի-մեծարենց կապը, որը հենց առաջին հայացքից էլ պարզ է դառնում, որ նախ մարդկային, բանաստեղծական միևնույն մտածողության, հումանիզմի, աստվածատուր հանճարեղության փայլուն դրսևորումն է մեզանում:

Մենք բնավ էլ հակված ճենք այն մտքին, որ Նարեկյան դպրոցը <<անաշակերտ>> էր մնացել մինչև Մեծարենցը, ավելին՝ վստահ ենք, որ շուրջ հազար տարվա ընթացքում Այդ դպրոցի դասերը հարստացել են տասնյակ տաղանդավոր բանաստեղծներով, և վերջիններով էլ միջնորդավորված՝ հասել Մեծարենցին՝ նվաճելով գրական անհաս բարձունքներ: Բանաստեղծական այդ մտածողությունը ենթադրում է անանձնական երջանկության, մարդասիրական ձգտումների վերհանում, բնության ներշնչմամբ ստեղծված պոեզիա, անհատ բանաստեղծի և համայն մարդկության որոշակի նույնականացում, անգամ ուղիղ խոսք՝ հասցեագրված Երկնային տիրոջը, սիմվոլիստական-խորհրդանշային ինչ-ինչ պատկերներ, որոնք, ի դեպ, իրավունք չեն վերապահում որևէ ուսումնասիրողի նրանց անվանելու սիմվոլիստ բանաստեղծներ, առձայնույթ և բաղաձայնույթ, բանաստեղծական հանգավոր տողեր և այլն, սրանցից բացի՝ նաև Մեծարենցի հեղինակած գրականագիտական, գրքնադատական հոդվածներում արտահայտված բացառիկ կապվածություն և

Ներշնչանք՝ դեպի Նարեկացին, ով Մեծարենցի համար ներշնչման մեծագույն ակունք լինե լուց զատ՝ նաև գեղագիտական ճշմարիտ ուսուցիչ էր:

Յատկանշական է, որ Մեծարենցին Նախորդած շատ հեղինակներ, արդարացիորեն ընդվը գել են այն կարծիքի դեմ, որի համաձայն Նարեկացին սովորական կրոնավոր է, և վերջ: Իհարկե, դժվար է չհամաձայնել այն մտքին, որ Նարեկացին գրել է աղոթագիրք, սակայն ակներև է, որ այդ աղոթագիրքը լի է կենսունակությամբ, բանաստեղծական մտածողու թյամբ, թարմ և գրավիչ պատկերներով առլեցուն այդ մատյանը լիովին արժանի է «գրա կան երկ» կոչմանը, ավելին՝ Լ.Շանթը, հինվելով «Մատյանի» որոշ հատվածների վրա, իրավացիորեն հանդես է եկել համարձակ հրապարակմամբ, որտեղ ապացուցում է, որ «Նարեկը», մեղմ ասած, աղոթք չէ՝ գոնե հայ առաքելական եկեղեցու դասական աղոթքի Չափանիշներով՝ այդ մասին գրելով՝ ««Եվ վերջապես սա ինչ աղոթք է, երբ կդիմես քո սիրած ու պաշտած Աստծուդ ու կըսես. «Ամեն աղուոր ու բարձր դիրքերն ու պատիւները պահեր ես քեզի համար և ամենեն գեշ ու ծանր բաները պարտադրեր ես ու տուեր ես ինձի բոլոր բազմարժան իրաւունքները պահեր ես քեզի և տուեր ես ինձի վարանելի պատաս իանատվութիւնները»»: Սա արդէն աղօթք ու փառաբանութիւն չէ, սա արդէն կոիւ է, պա հանջ մարդկային իրավունքի»»/1/: Նկատենք, որ այս մտքի վրա ծառայել է նաև Գր. Նա րեկացու լավագույն մեկնիչներից մեկը՝ Արշակ Չոպանյանը, ով, ըստ արժանվույն գնահա տելով տասներորդ դարի գրական հսկային և տալով վերջինիս արժանի գիտական շատ բարձր գնահատական, մասնավորապես գրում է. «Յանենք զանիկա աղոթք գրողի կրո նական գույնեն, ուր սահմանափակված էր, և դնենք իր տեղը, գրական մեծ հանճարնե րուն օդակարկառ բարձունքին մեջ, ալ չըսենք, որ մեր բանաստեղծությունը հսկա չունի: Յոմերոսին ու «Աստվածաշունչ»-ին հետ, մեր տղոց ձեռքը տանք զայն և սորվեցնենք Անոնց սքանչանալ այդ մեծության վրա»» / 2/: Եթե ուշադիր հետևենք մեր հայտնի վեր Լուծաբանների տեսակետներին, կտեսնենք, որ գրեթե բոլորն էլ շատ բարձր են գնահա տել Նարեկացու ստեղծած պատկերային և տաղաչափական համակարգերը, նրանց խո րին համոզմամբ՝ Նարեկացին հայ պոեզիայի բարձունքն է, գրական Նորարար, որից կա րելի է անդանար սովորել: Բայց մեծարենցի պարագայում նկատել են Նարեկացու հետ /1/ Շանթ Լ., Երկեր, հ.9, Բեյրութ, 1946թ., էջ 117 /2/ Չոպանյան Ա., Երկեր, Երևան, 1988թ., էջ 321

ունեցած գրական շատ ավելի խորը կապեր և առնչություններ, որոնք դրսևորվել են ոչ միայն գրաքննադատական հոդվածներում և ուսումնասիրություններում, այլև Մեծարենց բանաստեղծի կերտած գեղարվեստական պատկերներում, առձայնությամբ և բաղաձայնությամբ, որոնք ապացուցում են, որ Մեծարենցը լավագույնս սերտել է Նարեկացու դասերը, ավելի դիպուկ ասած՝ Մեծարենցը, Նարեկացու լավագույն մեկնչներից մեկը լինելուց զատ, նաև արժանի հաջորդն է հայկական պոեզիայում ունեցած իր դերով և նշանակությամբ: Համեմատության համար ասենք միայն, որ, օրինակ, Պ.Սևակը, գրելով Նարեկացու մասին գրականագիտական արժեքավոր հոդված, արդի հայերենի վերածելով նրա ստեղծագործությունները, խորապես հասկանալով և շատ բարձր գնահատելով Նարեկացու դերը ազգային գրականության մեջ, այնուամենայնիվ, իր պոեզիայում Նարեկացու հետ չունի գրական այնպիսի առնչություններ, որպիսիք առկա են Մեծարենցի մոտ: Այո, Պ.Սևակը, ով Նարեկացու մասին մասնավորապես գրել է, որ. «Միայն իր մի քանի տաղով Նարեկացին կդառնար մեր առաջին մեծ բանաստեղծը: Բայց նա կերտեց նաև իր «Մատյանը», որ մեր բանաստեղծության Ախթամարա վանքն է՝ լույս այն զանազանությամբ, որ «Մատյանն» անկործանելի է ստուգապես» /3/, այնուամենայնիվ իր պոեզիայում չդրսևորեց Նարեկացին ուղղված գրական այնպիսի հարազատություն, որով կարողանար կանգնել Մեծարենցի, Սիամանթոյի կողքին: Նշված փաստն էլ գալիս է ապացուցելու, որ միամտություն կլիներ ասել, թե «Նարեկացին և Մեծարենցը» թեմայի ուսումնասիրման համար բավարար է միայն Մեծարենցի հեղինակած «Նարեկացիին հետ» հոդվածը, ուստի այս հեղինակների կապը ստորև կքննարկենք ինչպես հիշյալ և այլ հոդվածների, այնպես էլ հեղինակների կերտած ստեղծագործությունների լայնարձակ տիրույթում:

/3/ Սևակ Պ., Երկեր, հ.3, Երևան, 1983թ., էջ 64

ՄԵԾԱՐԵՆՑԸ ՆԱՐԵԿԱՑՈՒ ՄԵԿՆԱԲԱՆ

1908 թվականի հունվարի 19-ին <<Լույս>>-ում տպագրված <<Նարեկացիին հետ>> հոդվածը Մեծարենցն սկսում է խորհրդավոր պատկերներով /խուցիս ճերմակ վարագույրները կը սարսռան կամ նախնականության բաղձանք մը՝ երկյուղով մակարդված, առհավուրյան հեռավուր ձայն մը կարծես հովին արհավրոտ ձայնին ընդխառնված՝ հետո անկե տարանջատ՝ կը կոթողվի մեկեն հոգիս մեջ /, որոնք ընթերցողին կարծես նախապատրաստում են մի մեծ, աստվածային առեղծվածի մեկնաբանմանը: Այդ աստվածային առեղծվածը Գր.Նարեկացին է՝ հայ գեղարվեստական մտքի անձնագիրն աշխարհի առաջ:

Մեծարենցին <<Մատյան ողբերգության >> պոեմում ըստ երևույթին գրավել էին մեծ հումանիզմն ու անկաշկանդ մտքերի առատ հոսքը, աստվածային կատարելությանը ձգտելու, մարդուն երկու ոտքի վրա շտկված մեջքով տեսնելու Նարեկացու տեսչը, որն այնքան հարազատ էր Մեծարենցին: Սրանից բացի՝ կար նաև մեկ այլ կարևոր հանգամանք. դեղերի տարբեր բուժումների օգնությամբ ապաքինվել չկարողացող Մեծարենցը հույսն ամբողջովին կապում էր <<Նարեկի>> հետ, որը հիվանդ հոգիների համար մի իսկական փարոս էր: Մեծարենցի առաջին կենսագիրներից Թորոս Ազատյանը գրում է, որ ժամանակակիցների Վկայությամբ՝ մեծարենցը իր մոտ միշտ ունեցել է Նարեկացու <<Մատյանը>>, իր բարձի վրայից չի բացակայել բանաստեղծական պոռթկումը: Տեղին է հիշել Պ. Սևակի՝ թեկուզ միայն այս օրինակով իր ճշմարտացիության մեջ ապացուցված այն պնդումը, որ <<Լինելով մեր հին գրականության ամենից շատ հրատարակված և հայ ժողովրդի մեջ ամենատարածված գիրքը, իր բազմաթիվ վերնագիր-անվանումների փոխարեն կոչվելով պարզապես <<Նարեկ>>՝ բանաստեղծության այս արտակարգ և անզուգաբախտ հատորը ոչ այնքան ընթերցվել է, որքան համբուրվել, դրվել ոչ այնքան դարակի կամ գրակալի, որքան հիվանդի ճակատիվրա կամ բարձի տակ... հայ ժողովուրդը իր այս մեծին անմահացրել է նույնքան արտակարգորեն, որքան արտակարգ էր նույն ինքն այդ մեծը. դարեր շարունակ նրա գիրքը համարվել է ԶՐԱՇԱԼԻՔ, և դարերն ապացուցեցին, որ իսկապես էլ հրաշալիք է դա>>/4/:

Մեծարենցին հաջողվում է ներթափանցել <<Նարեկի>> եության մեջ, նվաճել նարեկյան մարդկանց համար դժվար ընկալելի անկյուններ, տեսնել այն լույսը, ճառագայթը, որ /4/ Սևակ Պ., նույն տեղը, էջ 64

<<կը սահի հոգիին խորը՝ քայքայված երազներու տրցակը ժապավինելու>>, այդ Մեծարենցն էր, որ ըստ արժանվույն գնահատեց Նարեկացու կերտած պատկերների <<Նկարչական ճշգրտությունը>>, ավելին՝ փաստեց նաև Նարեկացու՝ գրականագիտության մեջ շատերին այնքան անհաս ձևի և բովանդակության միասնության, ներդաշնակության գոյությունը:

<<Մատյանը>. Համեմատելով ավելոժության հետ՝ Մեծարենցը հայտնաբերում է նաև ուրույն պատկերներ, կերպարներ, որոնց գոյությունը առանձնակի հմայք էտալիս պոեմին: Խոսքը նախևառաջ տառապող անհատի մասին է, որին Մեծարենցը համեմատում է փոթորկոտ ծովում տարուբերվող նավակի հետ, նկատում է խեղդվողի ակնհայտ նմանությունը, տառապող անհատի լուսաբաղձ հոգին, ձգտումը դեպի արևը, կատարյալն ու մնայունը, այսինքն՝ բանաստեղծը կարողանում է տեսնել և գնահատել <<Նարեկի>> բանաստեղծական արժանիքները, նրա մեջ ամփոփված մարդկային ձգտումները, այլ կերպ հնարավոր չէր կատարել ինչպես գեղարվեստական, այնպես էլ գիտական ճշմարիտ վերլուծություն: Եթե որոշ ուսումնասիրողների համար <<Մատյանը>> սովորական աղոթագիրք է, առավել ուշիմ ուսումնասիրողների համար՝ բանաստեղծական բարձրագույն նվաճում, ապա Մեծարենցի համար այն նախևառաջ հույզերի մեծագույն պոռթկման, մարդկաստված երկխոսության վառ օրինակ է, որն այնքան պետք էր երիտասարդ հանճարին, ով արդեն բռնել էր մահվան ճափան: Այն ավելոժությունը, որ տեսնում էր Մեծարենցը <<Մատյանի>> էջերում, ապացույցն է իր հոգեկան տվայտանքներիմ ներքին ավեբախումների, դա կյանքի, ապրելու համար պարտադրված ներքին գոյամարտի վկայությունն է: Վերևում արդեն ասացինք, որ որոշ ուսումնասիրողներ նկատել են Նարեկացու՝ առ Աստված ուղղված բանավեճանման տողերը, որոնք ասված են համամարդկային հումանիզմի դիրքերից: Անշուշտ, նման մտքեր համակել են նաև Մեծարենցին, ուստի թերևս դա էր <<Նարեկում>> առկա <<ավելոժության>>, <<մրրիկի>> այդքան տեսանելի լինելը նրա դիրքերից:

Մեկ նախադասությամբ ասած՝ Մեծարենցը, կարծես մի յուրօրինակ <<խղճի խորան>> դարձած, գալիս է կանգնելու Աստծո առաջ իրեն մարդկության պատգամավոր համարող Նարեկացու կողքին՝ որպես Նարեկացու պատգամավորը համայն մարդկության առաջ: Երբ վերլուծական հայացք ենք նետում դեպի հայ գրականություն, հայկական պոեզիա,

անայսման նկատում ենք հայ պոեզիայի հասկայի, գրական մեծ նորարարի, տասներորդ դարի հանճարի հայ գրականության մուգման մեծագույն ակունքի՝ Գրիգոր Նարեկացու՝ այդ գրականության վրա ունեցած տիրական ազդեցությունն ու դեպի Նարեկացին ուղղված գրական ցեղակցությունը: Ասվածի պերճախոս ապացույցն է հայ դասական պոեզիայի հանճարահանդեսը. Նարեկացուց ներշնչված, նրա գրական դպրոցն անցած, Նարեկացուն իրենց մեջ պարունակող դասականները աչքի են ընկնում բանաստեղծական ուրույն մտածողությամբ, խոսքի շքեղությամբ, հանգավոր պոեզիայի, առձայնությի և բաղաձայնությի կանոնավոր կիրառմամբ: Այդպիսին են Շնորհալին և Երզնկացին, Թումանյանն ու Իսահակյանը, Չարենցն ու Տերյանը, Վարուժանն ու Սիամանթոն, այդպիսին էր և Միսաք Մեծարենցը:

Արդեն նշել ենք, որ Նարեկացի-Մեծարենց կապը չի սահմանափակվում միայն վերոնշյալ հոդվածով: Պարզելու համար Նարեկացու ունեցած դերը Մեծարենցի քնարերգության մեջ, բավական է ուսումնասիրել միայն նրա բանավիճային հոդվածներից մեկը՝ վերնագրված «Յետամանց բարեկենդան», որտեղ հանճարեղ քնարերգուն, պաշտպանվելով Փայլակի գռեհիկ և հակագիտական քննադատությունից, արդարացիորեն նկատում է, որ իր կիրառած բառարվեստը, որը դաժան քննադատության է ենթարկվել Փայլակի կողմից, ամենավին էլ նոր, առավել ևս խորթ չեն հայ քնարերգությանը. դա նախ Նարեկացու լեզվամտածողության արգասիքն էր: «Դիտելի է, որ Փայլակի իբրև անճաշակ դասապարտված բառերը՝ առավելապես նախնյաց մատենագրության մեջ գործածվածներն են, նույն բառերու առատությունն է, որ ըսել կու տա «սիրատենչ» պարոնիկին.-

Իրիկունը՝ էջ 56՝ գլուխ գործոց մը է անճոռնի, անճաշակ խժալուր բառերու»/5/:

Եվ Մեծարենցը բնավ էլ չի ժխտում, որ ինքը ստեղծագործելիս աչքի առաջ է ունեցել Նարեկացուն, և իր օգտագործած բառերն ու ոճը զուտ հայկական են, ազգային՝ այդ մասին Մասնավորապես գրելով. «Եթե գիտնար Փայլակ Նարեկացիին այս նմանաձայնությունը, գուցե չձաղրեր իմիսս, որ չքնաղ բան մը ըլլալու հավակնությունը չունի, բայց ունի անճաշակ որակումին դեմ բողոքելու արժանապատվությունը»/6/:

Վիա հենց այս մեկնաբանությունը հաշվի առնելով նաև պետք է վերլուծենք Մեծարենցի գեղագիտական պատկերներն-

/5/ Մեծարենց Մ., Երկեր, Երևան, 1986թ., էջ 199

/6/ Մեծարենց Մ., նույն տեղը, էջ 200

րի աշխարհը.սրանք արդեն հաստատապես ապացուցելու են գալիս , որ մեծարենցյան առձայնությամբ / մասնավորապես հիշյալ հողվածում նշված Ծ-երի կուտակումները / մի հարազատ ձեռք են պարզում դեպի Նարեկացու բանաստեղծական աշխարհը:Հիշենք Մեծարենցի <<Կայծեր>> բանաստեղծությունը, որի գեղարվեստական լուծումները ակնհայտ հարազատություն ունեն Նարեկացու գրելաոճի հետ.

Հոգվույս դափ ու թմբուկի

Կիջնե ծիծաղն այս գիշեր.

Ծնծղաներու պես ցնծուն՝

Ծափ կը զարնեն իմ հուշեր:

Սրանից բացի կարող ենք բերել նաև բանաստեղծական բազմաթիվ այլ տողեր,որոնք լի են հիշյալ բաղաձայնությի օրինակներով.<<Լույսի ծըփուն ծողիկին՝ որ կը ծլի փողփողուն ծովեզերքի փարոսեն/>> /<<Ցայգանկար>>/,Լուսացնցուղ ցողով լեցուն/<<Ցայգն Է պայծառ>> Ծուխեն ծաղիկ մը ծափելի /<<Խունկ և արցունք>>/,Կապույտ ծոպեր, ծիածան, ծփուն ձայներ, միստիք վարդ/<<Կիրականամուտք>>/,Մեջն հոտևան ծայրիներու ծայրածավալ ծաղիկներուն/<<Իրիկունս>>/,Ծափ կը զարնե,ծիծաղեն ծլեր Է ծիրն իր այտին/<<Բյուրեղի դյուրթանք>>/,Գիշերն անույշ Է,գիշերն հեշտագին/<<Սիրերգ>>/:

Ակամայից հիշում ես Մեծարենցի՝Նարեկացու մասին գրած տողերը.<<Գիտեր ծիծաղախիտ ժպտեցնել բառերը>>:

Իսկ ինչ վերաբերում է մեծարենցյան պատկերային համակարգին,որն ակնհայտ նմանություն ունի Նարեկացուհանճարեղ բառակերտվածքի շնորհիվ ստեղծված գեղագիտական պատկերների հետ, պետք է ասել,որ ժամանակին քննադատությունը արդարացիորեն նկատել է,որ.<<Այն ժամանակ, երբ շատերը հիանում էին Վեռլենով՝իբրև թե մի <<Նշանավոր նովատորով>>, մերբանաստեղծների աչքի առջև բարձրանում է իր ամբողջ հասակով Նարեկացու վիթխարի կերպարը:Մեր առաջավոր բանաստեղծները չէին կարող չնկատել, որ այնքան գովաբանված վեռլենների՝ պոեզիայի աշխարհը բերած<< նորությունները>> /հատկապես ոտանավորի երաժշտականությունը/ շատ դարեր առաջ արդեն հայտնագործել էր Գրիգոր Նարեկացին և ոչ միայն հայտնագործել, այլև ստեղծել էր բովանդակությամբ հարուստ և առողջ/ և ոչ նրանց նման հիվանդագին / մի շարք դասական բանա- /7/Մկրյան Մ.,Երկեր,հ. 2, Երևան,1988թ.,էջ 28

ստեղծական սմուշներ>>/7/՝ դրանով ևս մեկ անգամ ապացուցելով, որ Մեծարենցին օտարամոլության, հայ գրականության մեջ օտարածին պատկերներ բերելու մեջ մեղադրողներն առկազն տեղյակ չէին Նարեկացու ստեղծագործություններից, և նրանց <<գրաքննադատական հայացքները>> չեն գերազանցում դատարկախոսության շեմը: Մեծարենցի՝ Նարեկացու հետ ունեցած գրական աղերսների փայլուն ապացույցներից է նաև այն հումանիզմը՝ մարդասիրությունը, որը վերստին կամրջում է տասներորդ և քսաներորդ դարերը: Մեծարենցի՝ մարդասիրական ուղղվածություն ունեցող բանաստեղծությունները, անշուշտ, Նարեկացու դասերից մեկն են, չէ որ տասներորդ դարի գրական հսկան ևս փայլում էր մարդասիրությամբ, համայն մարդկության մեղքերն իր մեջ ամփոփող բանաստեղծը, ով իրեն համարում էր աշխարհի պատգամավորը Աստծու առաջ, հումանիզմի այնպիսի օրինակ է ծառայել մարդկությանը, որ տասը դար հետո ևս կենսունակ է գրական մշակների համար:

Խորացնելով մարդասիրական թեմաների արծարծման արտահայտության ձևը՝ չենք սխալվի, եթե ասենք, որ Նարեկացու <<Մատյանում>> կիրառված բանաստեղծական մտածողության արդյունքներից մեծագույնը Աստծո հետ ուղղակի խոսելու, << ի խորոց սրտի>> խոսքեր ասելու արվեստն է: Քիչ բանաստեղծներ կարող ենք գտնել, որոնք իրենց ստեղծագործությունների միջոցով խոսք բացած լինեն Աստծո հետ, ուղղակի դիմեն Երկնային տիրոջը՝ հանդես գալով կոնկրետ ասելիքով...

<<Տուր ինձի Տեր, ուրախություն անանձնական>>,-աղերսում է անձնական բազում խընդիրներ ունեցող Մեծարենցը՝ մարդասիրության բացառիկ օրինակ հանդիսանալով համայն մարդկության համար: Հումանիզմի այսպիսի բացառիկ օրինակների հանդիպում ենք հատկապես <<Իրիկունը>>,<<Հյուղը>> և <<Հովը>> բանաստեղծություններում, սակայն մեծարենցյան հումանիզմի բարձրակետը, մեր կարծիքով, <<Տուր ինձի, Տեր>> ստեղծագործությունն է, որն ունի <<ԱՐԴԻ ՄԱՐԴՈՒՆ ՀԱՅՐ ՄԵՐԸ>> խորագիրը: Այս բանաստեղծության վերաբերյալ Մեծարենցի ստեղծագործությունները լավագույնս արժևորած ակ. Յր. Թամրազյանը զարմանալիորեն գրել է. <<Հասկացողը հասկանում է, որ այդ <<աղոթքը> սոսկ փոխաբերություն է, միայն ձևականորեն կապվում է <<Տերունական աղոթքի>> հետ, ուր խոսվում է հանապազօրյա հացի, պարտքերի ու մեղքերի թողության մասին>>/8/, որը, /8/ Թամրազյան Յր., Բանաստեղծության հազարամյա խորհուրդը, Երևան, 1986թ., էջ 286

մեր խորին համոզմամբ, մեղմ ասած, վիճելի տեսակետ է, քանի որ գեղարվեստական այնպիսի հզոր մտածողություն ունեցող հանճարեղ Մեծարենցը չէր կարող գրել որևէ երևույթին ձևականորեն կապված իրողության մասին: Այս բանաստեղծությունը Տերունական դասական աղոթքի վերանայումն է ժամանակակից մարդու տեսանկյունից, ով լավագույն ձևով հասկացել է ժամանակի ոգին, արդի մարտահրավերներին դիմակայելու եղանակներն ու միջոցները: Ասվածը բնավ էլ չի ենթադրում ժխտողական վերաբերմունք դեպի քրիստոնեական վարդապետությունը / ի դեպ, բանաստեղծությունը նվիրված է Դուրյան սրբազանին /, այլ նախևառաջ բանաստեղծական այնպիսի մտածողություն, որն ի զորու է մեծ աղոթասաց Նարեկացուց հայ գրականություն մտած մարդասիրության անձնագրության օրինակ ծառայելու ժամանակակիցների ու հետագա սերունդների համար, իսկ դրա համար թեևս անհրաժեշտ էին նոր մոտեցումներ, արդիական լուծումներ: Ավելի կոնկրետ՝ քսաներորդ դարի քաղաքացին, ազատված լինելով կրոնական, եկեղեցական զանազան կաշկանդումներից, մի համարձակ հայացքով է գնահատում իր ժամանակակիցների հանապազօրյա խնդիրների լուծման ուղիները: Մի կարևոր հանգամանք ևս, այս բանաստեղծությունը գրվել է 1908 թվականի հունվարի 1-ին, այսինքն՝ «Նարեկացիին հետ»՝ հողվածից մի քանի օր առաջ, որը վկայում է, որ Մեծարենցն այդ ժամանակ, ավելի քան երբևէ, իրոք, տարված է եղել քրիստոնեական գաղափարներով: Հողվածն ու բանաստեղծությունը ծնվել են նույն ապրումներից և հույզերից, ուստի միանգամայն համաձայն ենք մեծարենցագիտության մեջ լրջագույն ավանդ ունեցող ուսումնասիրողի՝ Է. Ջրբաշյանի այն պնդմանը, որ «Ամբողջովին հումանիստական գաղափարներով ողողված իր այս բանաստեղծությունը Մեծարենցը վերնագրել է նաև «Արդի մարդուն Հայր մերը»», դրանով իսկ ուզելով ակնարկել, որ ժամանակակից մարդու լավագույն ձգտումները պետք է կայանա ոչ թե վերացական կրոնական մղումների և ավանդական աղոթքների, այլ մարդասիրական պայծառ ու անկաշկանդ իդեալների մեջ» /9/ : Այո, իսկապես, Երկնային տիրոջը այնպիսի առաջարկ-խնդրանքով դիմելը, ինչպիսին է «Եվ թող մեզ զպարտիս մեր, որպես և մեք թողումք մերոց պարտապանաց»-ը քսաներորդ դարում ծնունդ տվեց իր մարդասիրական, մարդկային-բանաստեղծական, առ Աստված ուղղված այնպիսի աղերսանքի, որը շատ /9/ Ջրբաշյան Է., Միսաք Մեծարենց, Երևան, 1977թ., էջ 116

ավելի խրախուսելի կարող է լինել իսկական քրիստոնյայի համար, ով ուսանել է աստվածաշնչյան դասերը.

Տուր ինձի, Տեր, ուրախությունն անանձնական,

Ու չըլլա որ ուրիշներու կոճն ու կական

Խեղդել ուզեմ ջրվեժին մեջ դափիս ծայրին:

Եվ մի վերջին հատկանիշ, առանց որի չէր ամբողջանա Նարեկացի-Մեծարենց գրական ցեղակցությանը նվիրված ուսումնասիրությունը. խոսքը վերաբերում է բնապաշտական պոեզիային: Ակնհայտ է, որ Նարեկացու համար բնությունը եղել է նրշնչման մեծագույն աղբյուր, գեղարվեստական պատկերային համակարգի մեծագույն շտեմարան, քանի որ հատկապես տաղերում բնության պատկերներն են այն հենարանը, որոնց վրա Նարեկացին կարողացել է բարձրացնել գրական մնայուն արժեքներ: Ասվածի ամենաակնառու օրինակը <<Վարդավառի տաղն>> է.

Գոհար վարդն վառ առեալ

Ի վեհից վարսիցն արփենից:

Ի վեր ի վերայ վարսից

Ծավալեր ծաղիկ ծովային:

Ի համատարած ծովէն

Պղպջեր գոյնն այն ծաղկին,

Երփին երփնունակ ծաղկին

Ծողծողեր պտուղն ի ճղին:

Սա միթե չէր կարող ներշնչման մեծագույն ակուն լինել Մեծարենցի բնապաշտական պոեզիայի ստեղծման համար... Համենայն դեպս, հատկապես <<Աբասիաներու շուքին տակ>> բանաստեղծությունն իր գեղագիտական կատարելությամբ հիշեցնում է Նարեկացու վերոհիշյալ տաղը.

Ծաղիկներեն հուշիկ թերթեր կթափե

Բուրումներով օծուն հովիկն իրիկվան,

Հոգիներուն կիջնե երազ մը բուրյան,

Ինչ հեշտին է մըթնշաղն այս սատափե:

Աբասիաներ, գինով լուսե ու տապե,

Օրորվելով մաքուր շունչ մը կը հևան.

Մինչ կը ձյունե ծաղիկն իրենց հոտևան՝

Չոր խոլաբար հովը գրկել կը շտապե:

Այստեղ, իհարկե, չենք կարող շրջանցել այն հանգամանքը, որ Նարեկացին միստիկ բանաստեղծ է, այսինքն՝ իր գերագույն նպատակն է հասնել և ծուլվել աստվածային մեծությանը, իսկ Աստված, նրա խորին համոզմամբ գտնվում է աշխարհի բոլոր ծագերում, բոլոր երևույթների, հետևաբար նաև բնության մեջ, ուստի գովերգել բնությունը, նշանակում է գովերգել Աստծուն. Նարեկացին ստեղծել է բնության այլաբանական երգեր: Այլ է Մեծարենցի պարագայում. երիտասարդ հանճարը կուսական բնության մեջ է փնտրում իրական գեղեցկությունը, որը անաղարտ է մնացել, այսինքն՝ չի աղավաղել աստվածային արարչագործությունը: Ահա այսպիսի անաղարտ պատկերներն էին, որ Մեծարենցին ուժ էին տալիս ապրելու և ստեղծագործելու, իրեն անդադար հալածող հակառակորդներից պաշտպանվելու, այդ հավերժ նորոգ բնությունն էր, որ կյանքից բազում հարվածներ ստացող բանաստեղծին հիշեցնում էր իր գյուղական ծննդավայրը, կյանքի կենսախիհնդ և երջանիկ օրերը: Բնությունը բանաստեղծության հիմք դարձրած Մեծարենցը ամենահանճարեղ ձևով բացատրել է իսկական բանաստեղծի տարբերությունը գրական միջակություններիս. «Բանաստեղծը բնության ցուլացումը պետք է ըլլա, թե ոչ բանաստեղծ չէ իրապես. քերթվածները իբրև բառ պետք է ունենան տերևին թրթռումը, թռչունին դայլայլը, մարդերուն գորովը, դաշտին ու լեռան մշտանույն գորությունը: Բանաստեղծին ձայնը տիեզերական հարաբերականության մը լարը պետք է ըլլա, բոլոր գոյություններուն հադրական թրթռումովը տրոփուն» / 10 /: Բանաստեղծության այսպիսի ընկալումը, իսկապես, բացառիկ երևույթ է բոլոր ժամանակների գրականագիտական մտքի ձեռքբերումների մեջ:

/10/ Մեծարենց Մ., Երկեր, Երևան, 1986թ., էջ 175

ԵԶՐԱԿԱՑՈՒԹՅՈՒՆ

Ամփոփելով Նարեկացի-Մեծարենց գրական առնություններին նվիրված աշխատությունը՝ վստահաբար գալիս ենք այն եզրահանգման, որ բանաստեղծական այս կապը նախևառաջ գենետիկ հիշողության, աստվածատուր հանճարեղության փայլուն ապացույցն է հայ գրականության դարավոր պատմության մեջ:Մեծարենցի համար Նարեկացին գրական ուսուցիչ էր, նրշնչանքի մեծագույն աղբյուր:Ժամանակաիցների հավաստի վկայությունների համաձայն՝ անգամ հիվանդության ամենածանր պահերին Մեծարենցը իր մոտ ունեցել է <<Նարեկը>>, որը եղել է նրա դժվար ժամերի անդավաճան ուղեկիցը. Ահա սրանով կարելի է բացատրել Նարեկացու հետ հոգեկան այդքան մեծ կապվածություն ունենալու պատճառը:Մեծարենցը այս հատկանիշների շնորհիվ է, որ Նարեկացիագիտության մեջ մնայուն տեղ է զբաղեցնում, և այս երկու բանաստեղծությունների միջև առկա հոգևոր կապը,գրականության մեջ ընդլայնելով իր սահմանները,բարձրանում է բանաստեղծների միջև առկա գրական ցեղակցության աստիճանի,որն էլ գրականության մեջ իր արտացոլումը գտավ նախ գրաքննադատական արժեքավոր աշխատության՝ <<Նարեկացիին հետ>> հոդվածի միջոցով,իսկ բուն պոեզիայում ՄեծարենցիՆարեկացու ազդեցությամբ գրված բանաստեղծություններում,որոնց ծնունդը պայմանավորել էին հետևյալ հատկանիշները.

1/առձայնույթի և բաղաձայնույթի զգալի կիրառություն

2/հոլմանիզմ

3/գեղարվեստական խորհրդանիշ-պատկերներ

4/բանաստեղծության միջոցով Աստծուն դիմելու բացառիկ ընդունակություն

5/բնության պատկերների եզակի նկարագրություն

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1/Թամրազյան Հր., Բանաստեղծությունների հազարամյա խորհուրդը, Երևան, 1986թ.

2/Մեծարենց Մ., Երկեր, Երևան, 1986թ.

3/Մկրյան Մ., Երկեր, Երևան, 1986թ.

4/Նալբանդյան Վ., Գրիգոր Նարեկացի, Երևան, 1990թ.

5/Չոպանյան Ա., Երկեր, Երևան, 1988թ.

6/Պարույր Սևակ, Երկեր, հ.3, Երևան, 1983թ.

7/Զրբաշյան Է., Միսաք մեծարենց, Երևան, 1877թ.

ԲՈՎԱՆԴԱԿՈՒԹՅՈՒՆ

1/Տիտղեսաթերթ-----	1
2/Յետազոտական աշխատանքի խնդիրները-----	2
3/Նարեկացի-Մեծարենց գրական առնչությունները-----	4
4/Մեծարենցը Նարեկացու մեկնաբան-----	7
5/Եզրակացություն-----	15
6/Օգտագործված գրականության ցանկ-----	16
7/Բովանդակություն-----	17

